

"DARIPADA Abi Bakrah Radiallahuanhu daripada Nabi Sallallahu 'Alaihi Wasallam, Baginda Sallallahu 'Alaihi Wasallam bersabda : Tidak ada satu dosa yang lebih patut disegerakan hukuman bagi pelakunya (di dunia), di samping hukuman yang disimpan untuknya (di akhirat), daripada perbuatan melampaui batas dan memutuskan hubungan kekeluargaan."
 (Hadis Riwayat Al-Imam Al-Bukhari)

Lebih 80 Mahasiswa UNISSA sertai Forum bagi Ekonomi Syariah

Berita dan Foto :
Pg. Syi'aruddin Pg. Dauddin

TUTONG, Selasa, 18 Oktober. - Seramai lebih daripada 80 Mahasiswa dari Universiti Islam Sultan Sharif Ali (UNISSA) mengikuti Forum bagi Ekonomi Syariah di antara UNISSA dan International Halal Trade Hub & Services (IHTHS), yang berlangsung di Dewan Serbaguna UNISSA, Sinaut, di sini.

Hadir, Timbalan Pengarah, Pusat Penyelidikan Halalan Thayyiban UNISSA, Dr. Zeiad Amjad Abdulrazzak Aghwan.

Atur cara dimulakan dengan bacaan Surah Al-Fatihah, dikepalai oleh Awang Mohd. Aiman Haaziq bin Haji Sulaiman, diikuti dengan taklimat, disampaikan oleh Ketua Pegawai Eksekutif, The Ali Hashim Corporation, Pengiran Subandi bin Pengiran Haji Kamis, bertajuk 'Realising The Halal Economy'.

Acara kemudiannya diteruskan lagi dengan sesi forum, disampaikan oleh Pengiran



TIMBALAN Pengarah, Pusat Penyelidikan Halalan Thayyiban Universiti Islam Sultan Sharif Ali, Dr. Zeiad Amjad Abdulrazzak Aghwan semasa hadir pada Forum bagi Ekonomi Syariah di antara UNISSA dan International Halal Trade Hub & Services.

Subandi; Kapten (B) Zailan bin Pehin Datu Kerma Setia Mejar Bersara Dato Seri Laila Jasa Mohd. Don; dan Penasihat Industri IHTHS, Awang Ramlee bin Begawan Pehin Khatib

Dato Paduka Haji Zainuddin. Juga hadir, Pensyarah-pensyarah serta Kakitangan dari Pusat Penyelidikan Halalan Thayyiban, UNISSA.